

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

## **IS FINANTZIAMENTOS DE SU PNRR GARANTINT 10.6 MILLIONES PRO POETTO E IS ARENAS**

Òtimas noas pro Quartu de su Pranu integradu dae sa Tzitade Metropolitana de Casteddu.

Gràtzias a is fundos de su Pranu Natzionale de Ripresa e Resilienza (PNRR), difatis, sunt istados destinados a su Comunu aiat risòrgidu importantes pro su cumpretamentu de òperas giai programadas e in ala giai imbenientes a s'inghitzu de is traballos: si tratat de sa ricualificatzione de sa fasca retrodemaniale de s'àrea de su Poetto, pro su cale fiant giai istados istantziados 3 milliones de su Patu pro s'isvilupu de sa Tzitade Metropolitana, a bàlere subra de su Fundu pro s'Isvilupu e sa Coesione (FSC), e de su progetu de cumpretamentu infrastrutturale de su cumpèndiu de Is Arenas (ischit Cora), cun ricualificatzione ambientale e afortigamentu de is servìtzios isportivos e ricreativos, fintzas issu giai in parte finantiadu cun 1 milione de risursas comunales.

In s'ispetzìficu is fundos noos missos a disponimentu de su PNRR ammontant in manera cumplessiva a 10milioni e 600 milli, gasi torrados a mòvere: 9 milliones ant a permìtere de cumpetare s'interventu previstu in sa fasca litoranea comunale de su Poetto intrea, de sa làcana cun su Cabulogu finas a s'ùrtimu tràidu in territòriu quartese; 1 milione e 600mila ant a dare definitivamente ancas a su progetu istudiadu pro s'àrea de Is Arenas – Ischit Cora, ue est in programa un'infrastruttura in manera potenziale capatza de dare continuidade a àmbitos ambientales de balore cales s'Istagnu de Molentargius e is Salinas de Quartu. In isetu de su definitivu bia libera a banda de su Ministeru, prevìdidu intro 30 dies, sa tzitade s'ammàniat a unu àteru brincu de calidade de su puntu de bista infrastrutturale.

Su progetu de ricualificatzione generale de su Lungomare Poetto de Quartu Sant'Aleni, de su balore totale de 12 milliones, at a mòvere deretu a pustis de s'istiu. Is 3 milliones in manera pretzedente finantiados àamus difatis permìtidu de aviare s'iter, cun unu primu lotu de traballos chi at a interessare giai a su tèrmine de s'istiu su tretu cumprèdidu intre pratza Olla e su playground bighinu a s'anfiteatru subra de su mare. S'obietivu est su de avalorare e amanniare is dislindadas ecològicu-ambientales e

paesagísticas de su Poetto, a traessu de sa definitzione de su Parcu Lineare comente a àrea sistemada a birde, estèndida totu sa longària de su litorale quartese e de una trama geométrica de percursos printzipales e secundàrios, chi creant pamentos cun diversas destinatziones de impreu e diversas castas arbustive. Su progetu rapresentat una tapa importante pro sa crèschida de Quartu, pro sa mira sua a su recùperu de is formas costruidas e de su significadu matessi de su sistema litoraneo, in unu quadru de amparu e valorizatzione urbanística, ambientale, paesagística e architetonica e de sostenibilità econòmica e sotziale.

Ateretantu su progetu de cumpretamentu infrastrutturale de su cumpèndiu de Is Arenas (Ischit Cora), chi previdet una funtzionale ricualificatzione ambientale e unu netzessàriu afortigamentu de is servìtzios isportivos e ricreativos, punta a avalorare is peculiaridades de su territòriu de Quartu in s'àmbitu de s' àrea metropolitana de Casteddu intrea. Est difatis s'oru de addòbiu intre s'aglomeradu urbanu e sa periferia: sa ricualificatzione, s'infrastrutturatzione e sa rinaturalizzatzione de s'àrea devenit netzessària pro torrare a definire su raportu intre su tessutu urbanu consolidadu, cuddu in devènnere e s'ispàtziu naturale, garantende coerèntzia e continuidade intre is alas constituentes custa cunditzione de 'aiat avoretadu urbanu. Su reconnoschimentu de is potenzialidades manna de custa ala de su territòriu permetet de connètere e armonizare s'obietivu ecològicu derivante de sa netzessidade de gestione de is làcanas de su parcu de su Molentargius e cuddu prus sotziale e culturale, chi in sa cunfiguratzione de infrastruturas isportivas e aia cursadu tenet unu sentidu lògicu e caraterizante, e chi permetet tando de megiorare su gosamentu de is ispàtzios a banda de sa tzitadinàntzia.

Gràzias a custos fundos Poetto e Is Arenas-Ischit Cora sunt tando imbenientes a cambiare cara. Sunt e ant a èssere ala integrante e determinante de su progetu prus generale pro Quartu, chi s'Amministratzione at aviadu. Unu programa chi non si limitat a su rilantzo econòmicu ma càstiat fintzas cun estrema atentzione a sa netzessidade de preservare sa tzitade de is perìgulos de su depauperamento e de sa pèrdida de biodiversidade.